

**ბოდბის წმ. გიორგის (წმ. ნინოს სახელობის დედათა მონასტერი) სახელობის ტაძრის
რეაბილიტაციის (იატაკის მოწყობის) II ეტაპის**

ტექნიკური დავალება

❖ პრეამბულა

ბოდბის წმ. გიორგის სახელობის ეკლესია ქ. სიღნაღიდან 2-3 კმ-ის დაშორებით მდებარეობს. მონასტერთან ახლოს მოედინება ორი წყარო. ერთ-ერთ მათგანს (ჩრდილო-აღმოსავლეთით, ხევში) “ნინოს წყაროს” ეძახიან. ეკლესია ზოგ წყაროებში წმ. გიორგის და ზოგან წმ. ნინოს სახელობისაა.

1995 წელს გადაწყდა წმ. გიორგის (წმ. ნინოს) ეკლესიის განახლება. დაიწყო არქეოლოგიური გათხრები, რის შედეგად გამოვლინდა იატაკის რამდენიმე დონე.

პირველი თანადროული იატაკი დაგებული იყო ქვიშა-ქვის ფილებით, იატაკის მეორე, მომდევნო ფენა მოწყობილი იყო ნაყარ მიწაზე მუქი რუხი კვადრებით. მესამე, იატაკის უკანასკნელი ფენა წარმოადგენდა “მოზაიკას,” რომელიც მოიცავდა ტაძრის მთელ პერიმეტრს წმ. გიორგის ეკვდერის და კარიბჭის სამხრეთ სათავსოს გარდა. შემდეგი მეოთხე ფენა - მუქი რუხი ხსნარით დაფარული აგურის იატაკი სრულად იყო შემორჩენილი სამკვეთლოში. ტაძრის ჩრდ. შესასვლელის წინ კი დაფიქსირდა იმავე ზომის აგურების ანაბეჭდები. “მოზაიკის” იატაკიდან 35-40 სმ. სიღრმეზე, ბურჯების ძირში, ჩრდ. შესასვლელთან და საკურთხეველში გაიწმინდა და დაფიქსირდა მოვარდისფრო ხსნარით დაფარული აგურის იატაკის ფრაგმენტები (მეხუთე ფენა). აგურის ზომები ემთხვევა ტაძრის მშენებლობისათვის გამოყენებულ აგურის ზომას. სავარაუდოდ, ეს უნდა იყოს თავდაპირველი იატაკის შემორჩენილი ფრაგმენტები.

❖ ძირითადი პირობები

მიმწოდებელი შემსყიდველთან შეთანხმებული სამუშაოების გრაფიკის შესაბამისად წარუდგენს მას ინფორმაციას წერილობითი ანგარიშის სახით, გათვალისწინებული სამუშაოების მიმდინარეობის შესახებ. იგი ვალდებულია გაითვალისწინოს შემსყიდველის შენიშვნები და წინადადებები, რაც შემდგომში საფუძვლად დაედება შესრულებული სამუშაოების ანაზღაურებას.

სამუშაოების შესრულების გეგმა განსაზღვრავს სამუშაოთა მიმდინარეობას და შემსყიდველისათვის წარდგენის გრაფიკს.

მიმწოდებლის მიერ სამუშაოთა მიმდინარეობის პროცესში აუცილებელია გათვალისწინებულ იქნეს პროექტზე საავტორო ზედამხედველობა.

შესრულებული სამუშაოების ანგარიში შემსყიდველს წარედგინება ოთხ ეგზემპლარად: ელექტრონული ვერსია – კომპაქტური დისკების (CD) სახით (2 ეგზემპლარი), მყარი ასლების სახით (3 ეგზემპლარი), ტექსტური და გრაფიკული მასალის დოკუმენტირებით.

მიმწოდებელი ვალდებულია რეაბილიტაციის დაწყებამდე ძეგლზე დაამონტაჟოს ჩასატარებელი სამუშაოების ამსახველი საინფორმაციო ბანერი, რომელიც უნდა შეიცავდეს შემდეგ ინფორმაციას:

მესაკუთრე;

შემსყიდველი;

მიმწოდებელი;

ჩასატარებელი სამუშაოს სახეობა;

❖ პროექტით გათვალისწინებული სამუშაოების წარმოებისას უნდა ჩატარდეს შემდეგი:

იხ. დანართი ტექნიკური დავალების დანართების სახით მოცემულია:

- შესასრულებელი სამუშაოს მოცულობები.
- ბოდბის წმ. გიორგის სახელობის ტაძრის პირველი ეტაპის სარეაბილიტაციო სამუშაოების პროექტი, PDF ფაილი;

სამუშაოების ჩატარებისას ყურადღება უნდა მიექცეს სამუშაოთა შესრულების ხარისხობრივ მაჩვენებელს.

სარეაბილიტაციო სამუშაოების მიმდინარეობისას ახლადგამოვლენილი გარემოებ(ებ)ის დასაბუთების შემთხვევაში, დეფექტური აქტიდან რაიმე გადახვევა (ან მასში ცვლილება), შეთანხმებულ იქნეს შემსყიდველთან.

❖ შემსყიდველისთვის გადასაცემი საბოლოო პროდუქცია

წარმოდგენილი პირობებისა და ვადების ფარგლებში მიმწოდებელმა საბოლოო პროდუქციის სახით შემსყიდველს უნდა გადასცეს შესრულებული სამუშაოები, შესრულებული სამუშაოების ანგარიში (საქართველოს კანონის „კულტურული მემკვიდრეობის შესახებ“ მოთხოვნათა შესაბამისად), შესრულებული სამუშაოების აქტები (ფორმა 2) და ფარული სამუშაოების აქტები (საჭიროების შემთხვევაში).

❖ ნორმატიული დოკუმენტები

მუშაობის პროცესში მიმწოდებელი ვალდებულია სამუშაოები შეასრულოს მოქმედი სამშენებლო ნორმებისა და წესების მიხედვით.

❖ სამუშაოთა შესრულების ვადები

შესრულებულ სამუშაოთა ანგარიშის ჩაბარების საბოლოო ვადაა **2015 წლის 15 დეკემბერი**. შესრულებულ სამუშაოთა ეტაპობრივი ჩაბარების ვადები და გრაფიკი დაზუსტებული იქნება პრეტენდენტის მიერ შემოთავაზებული გეგმა-გრაფიკის მიხედვით.